

## **Apendiks k wozjewjenjam: Přeprošenje k onlinowym terminam**

Lube sotry a lubi bratřa,

štož sym w swoim pastyrskim słowje zwuraznił, plaći tež za nas konkretnje w Drježdžansko-Mišnjanskim biskopstwje. Tež za nas je Jězusowe jasne wobchadženje z wotpowědnymi spytowanjami dobra směrnica za naš puć a naše postupowanje.

Po nowozałoženju wosadow loni chcych ze zaměrnym naprašowanjom w biskopstwje zhonić, što je před lětimi zahajeny dopóznawanski proces wunjesł. Wotmołwy, kotrež wot Was dóstach, wobsahuja drohotne nastorki za naš puć jako cyrkej na městnje. Z toho su za mnje orientacije za přichod w našim biskopstwje wušli, wo kotrychž bych so rady na onlinowych zetkanjach z Wami rozmołwjał. Wočakujemy změny, kotrymž njemóžemy so wuwincyć. Tohodla přeprošam Was wutrobnje na jedyn z třoch onlinowych terminow za tydzeń sobotu, njeźzelu abo pónďzelu. Tónle format zmóžnja Wam, na nim njewotwisnje wot wjedra, puća a wot toho, zwotkel sće, so wobdźělic. Onlinowe zetkanja su wulka šansa, zo Waše naležnosće přiwozmu, Wam wo svojich rozmyslowanjach powědam a zo wzajomnje dalši puć w našim biskopstwje pokročujemy.

W jutrownym času chcu do Wašich dekanatow přińć, zo bych na městnje z Wami wo wobsahach wječora řečał a zo bychmy zhromadnje rozmyslowali, što móhło to konkretnje na městnje woznamjenjeć. W mjezyčasu sće Wy w svojich wosadach přeprošeni, zo byšće z podpěrowacymi materialijemi tute rozmołwy ze swojeje perspektiwy přihotowali.

Wšitke dalše nadrobnosće k tutym štyrjom kročelam z terminami a datami k přistupej nańdžeće na internetowej stronje biskopstwa respektiwnje tež na wupowěsnjenych plakatach.

Wjeselu so, zo móžu při wšelakich składnosćach z Wami zhromadnje dale kročić.

Waš biskop + Heinrich Timmerevers